



LEOPOLDINA.

Leopoldina, et si Insula melius diceretur, Civitatis nomen obtinuit (Leopold-Stadt) nec id immerito; cum nullum sit Austriæ inferæ oppidum, quod cum hac vel civium frequentiâ, vel ædium venustate in contentionem venire possit; amplitudine verò ipsum Viennensis Urbis ambitum exsuperet. Quadraginta millibus capitum habitari, curatè initis quoad fieri potuit, rationibus compertum est. Area, cui insidet, medio sìnu quadratum perfectum amplectitur 1821600. pedum quadratorum: his additta excurrentium anfractuum capacitas quartum omnino millionem decies octies mille pedibus excedit. Gemono centum myriadum exercitui non impar spatium.

Alijs ante annos admodùm 65. *Judaicæ Civitatis* (Juden-Stadt) appellatio fuit, cum ab Hebræa Gente ferè quanta est, teneretur: extructâ etiam, qua ad abolitas suas religiones uterentur, Synagogâ. Anno verò 1669. eliminavit funebrem eam pestem Princeps religiosissimus Leopoldus Imperator, cum pietate suam, tum Augustæ Conjugis Margaritæ precibus commotus, seu Urbanos Cives hac mercaturæ pernicie, seu Rempublicam variorum tumultuum occasione unà eliberare animus fuit.

Synagogam adeò solitis Ecclesiæ ritibus expiatam, D. Marchionis Leopoldi, Suóque nomine *Leopoldinam Civitatem* initiari voluit. Vetustioribus adhuc temporibus, ut è scripturis constat, *Littoris* nomine (Werb) vocitabatur, quam nomenclationem pars hodiedum retinet.

Ejecta fæce Hebræa, subinde novorum colonorum industriâ nonnihil caput efferre cæperat no-



In LEOPOLDINA 1. Templum, et Ascerterium FF. Misericordie 2. Templ. et Monast. PP. Carmelit. 3. Bar. de Wallhorn. 4. D. de Schrettenstein. 5. D. Deodat. 6. Bar. de Strobl. 7. Domus Correctionis. 8. Temp. Parochiale. 9. Cæmeterium. 10. D. Ritter. 11. Telenium Navigii. 12. Com. ab Oetting. 13. D. Wenighoffer. 14. Hospitalis S. Ioan. Nep. 15. D. Krapf. 16. Com. de Gurland. 17. D. Weinzerl. 18. Contuberium militum. 19. Vetus Cesarea Favorita. 20. Convictus Croatarum. 21. D. Gory. 22. D. Tahnn. 23. Com. de Fünfkirchen. 24. Com. de Coloredo. 25. D. Stözl. 26. Convict. Pazmanitum. 27. Princ. Montecuculi. 28. Com. Losy. 29. D. de Löwenthurn. 30. D. Schmuderer. 31. Convictus S. Barbaræ. 32. Com. de Rosenberg. 33. D. Kurz. 34. D. de Franzenau. 35. D. Gudenus. 36. D. Ginter de Sternegg. In VICO VENATORUM 37. Com. Czernini. 38. D. de Haeklberg.

va Civitas ; cùm Anni 1683. fatali turbine in ipso prope suo exortu communi calamitate hausta in cineres abiit. Evidem de hac velut ad obfessos juvandos quām opportunā Januā retinendā, deliberatum fuerat à Lotharingo Duce ; gravibus tamen de causis deserta , & ne hostibūs tegumento foret , combusta est. Soluta obsidione collegit se celeriter , atque in hanc , quam videmus , celebritatem adolevit : nempe è Moravia , Bohemia , Polonia venientium ingenti vi mercium prima statio , ac peropportunum hospitium.

Ad ineridiem versùs Danubii Canali , continetibus fere inter se navigiis consito alluitur : ab septentrione minore Danubii ramō , multis item navalibus molendinis distincto incingitur : ad occiduum solem aggere ac vallo , inde ab canali ad ramum fluminis minorem pertinente , ab reliqua Insulæ parte discriminatur : ad orientem denique à Pratensi æstivario , tenui alveolo dividitur.

Occiduam Insulæ partem (olim Labor - Au) hodie Pratum à D. Brigitta , structaque ejus honori Ecclesiâ dictum occupat ; quod alias per amœna ac longè frequentissima plebejæ multitudini obambulatio , hodie sepimentis cincta Phasianorum statio.

Pars altera ad ortum spectans Pratum vulgō dicitur (Prater) cervorum , aliarumque ferarum vivarium lætissimum : idem urbanæ Nobilitatis , liberius cælum sub vesperum captantium , ac rheldarum velut agminibus frequentatum : adsitum & alterum habet pratum deliosum fundum Urbanum (Stadt - Gut .) Patent hæc æmonia ambulantium deliciis ab exitu Aprilis ad Junii primordia.

Suburbium hoc situ utitur humiliore , atque effuso fortè super ripas Danubio , eluvionibus obnoxio ; solo nihilominus nec sabulofo , & longe fertilissimo : hortis ideo fere conseminatur , unde olerum , hortensiumque fructuum vis incredibilis in forum effertur. Pro fæcunditatis singularis argumento quidam vitem afferunt domui à Fusco

Cervo dictæ adsitam , quæ plures ducentis & mille , magnitudinis & saporis eximii botros in unam vindemiam obtulit.

Urbano Magistratui ad quem vetus dominium authoritate Leopoldi Cæsar is ab Hospitali civium A. 1689. rediit , maxima parte subditur , qui & lectum Civium consensu Prætorem seu Judicem altero quoque anno sufficit , aut reficit. Ædes quantumvis pro tam vasto suburbii ambitu haudquam numerosæ , (nec enim ultra quingentas censentur) venustæ tamen sunt , amplæ , in plures etiam areas ac compluvia excurrentes. In vicos (seu plateas) dislocatur septem & viginti , eosque latos admodum , & ad regulam conformatos.

Pars Leopoldinæ extrema , quæ alias , fortasse quod aquis circumflueret , Pratum Venetum (Venetiger = Uu) audiebat , hodie Linea venatorum (Jäger-Zeil) dicitur , quibus eum fundum ædificandum designârat Mathias Imperator. Etsi vicô , seu plateâ unica , sed ea prælonga finitur , nunc tamen , dum litteris ista mandamus , ter mille ter centum Capita censet. Suo illa judice regitur , ac Vice - Dominatum , quem dicimus , id est Dominialis ærarii Præfectum , Dominum cognoscit. Hic Iconem Pötzianæ Virginis viæ adsitam præcipua , quotidianâque devotione colunt , cui immunitatem à Lue pestiferi Anni 1713. non sine prodigio acceptam referunt.

Princeps hujus suburbii ædes sacra , eadémque Paræcialis Ecclesia à Divo , quod meminimus , Leopoldo nomen tulit. Numus prægrandis 13. semunciarum aureus in fundamenta jactus ita fere inscribitur.

HONORI
JESU CHRISTI
DEI ET MARIAE FILII

SAN-

(II)

SANCTI LEOPOLDI
AUSTRIÆ MARCHIONIS
PRIMUS HIC LAPIS
POSITUS EST
ANNO DOM. M. D. C. LXX.
DIE XVIII. AUGUSTI.

Altera facies sic habet :

AUGUSTISS. IMPERATOR
LEOPOLDUS AUSTRIACUS
POST EJECTAM JUDÆORUM
PERFIDIAM
ABOLITO EX HIS ÆDIBUS
SYNAGOGÆ NOMINE
SPELUNCAM LATRONUM
MUNDAVIT IN TEMPLUM DEI,
ET D. LEOPOLDO
AUSTRIÆ MARCHIONI
AC PATRONO
RITU CATHOLICO CONSECRARI
FECIT.
M. D. C. LXX.

Deinceps cùm angustior videretur , ac ut tantam ,
& indies succrescentem multitudinem caperet ,
splendorēmque indueret majorem ; à Magistratu
Viennensi tantum non à fundamentis instaurata ,
ampliata , & ad decorum singularem adornata
est : annum hujus instauracionis inscriptio numi
argentei semunciarum 12. memorat :

AB

INCLYTO MAGISTRATU
 VIENNENSI
 DUM CONSUL FLOREBAT,
 DOMINVS FRANCISCVS
 JOSEPHVS
 HAVER

Ex altera parte.

AD

DEI TER OPTIMI
 MAXIMI GLORIAM
 SINE LABE CONCEPTÆ
 VIRGINIS
 SANCTI LEOPOLDI
 AUSTRIÆ MARCHIONIS
 HONOREM
 TEMPLUM HOC
 AMPLIATUM, ET RESTAURATUM
 EST

ANNO DOM. M. DCC. XXIII.

Ædes hæc sacra fere è typo viri clarissimi Joannis Ospelii , Architectonicæ utriusque peritissimi de-
 sumpta est : Altarium decor , picturæ excellentia ,
 turris ad omnem firmitatem ac venustatem educata ,
 campanum æs in harmoniam propè musicam tem-
 peratum , adjectum denique Divi Lazari odæum
 non invenustum , non cives modò , sed & exteris
 ad visendum allestant . A Curione unico & duo-
 bus adjutoribus suburbium hoc curatur universum ,
 sed zeli amplitudine tanto gregi sufficiente .

Ædes altera Patrum Excalceatorum de monte
 Carmelo , principi vico adsita , Conditorem habet

Fer-

Ferdinandum II. Augustum , illud Religionis in
Germania propè collabentis columen invictum , &
in Ecclesiæ fastis æternum nomen. Is postquam
Anno 1620. Bohemicos tumultus utrique reipubli-
cæ perniciem minitantes extremam , clarissima ,
plenissimâque in Albo monte victoriâ composuisset ,
planèque intelligeret , quod tum omnibus persuas-
sum , eam victoriam magnam partem precibus Ve-
nerabilis P. Dominici à JESU Maria notissimæ , mi-
nimèque fucatae sanctimoniacæ famâ clarissimi affi-
gnandam , gratiam viri meritis magnificam habuit ,
extructô ejusdem instituti viris D. Theresiæ Seftato-
ribus cœnobio percommodô , quod Religiosos in-
colas duos & septuaginta alit opere firmo structum , &
modesto splendore nitidum ; idque oportunum Pa-
rociæ , tantæ multitudini subsidium. Id Templum
populosissimi suburbii frequentiâ maximâ colitur ,
augéisque piæ plebis affluxum Thaumaturgæ Virginis
Icon , quam alias idem Ferdinandus II. ac pienti-
ssima Conjux Eleonora singulari veneratione pro-
secuti feruntur , ac hodie magno numero anathe-
mata , tabellæque votivæ Virginis nempe beneficia
contestantur. Quadrata præ foribus area ac sep-
mento incincta , variis Divorum statuis exornata ,
in medio colossum Divinissimæ Triados honoris
bus assurgente habet , cuius authorem inscriptio
refert.

HUNC OBELISCUM PRÖPRIIS SUMPTIBUS
E
FUNDAMENTIS
EREXIT ,
HONOR. D. PAULUS RHORBECKH,
AUSTRIACUS SCHREMBSIENSIS ,
EXTERIORIS MAGISTRATUS VIENNENSIS
CIVIS ET HOSPES IN URBE ,
M. D. CC. XXIII.

Tertium Leopoldinæ Templum F. F. Religiosorum S. Joannis de Deo , quos à Misericordia appellant , auspiciis ac munificentiae Mathiæ Imperatoris exortum debet , uti & corundem Fratrum usibus accommodatum , peramplum Cænobium cum Nosodochio septuaginta ægrotorum capace , quorum obsequiis magno Civitatis bono , se religiosa eorundem charitas ex instituto totos devovit. Accedit Pharmacopæum funditus innovatum , ac longè instruditsimum , non hic modo decumbentium , sed aliorum item egentium sublevandis morbis apertum , atque , ut ne mortui quidem angustè jaceant , provisum est cæmeterii finibus ampliatis , additoque facello magnifico.

Turcæ hoc templum in equorum stabula converterant , atque præ ejus foribus tormentarium suggestum struxerant , è quo partem urbis Danubialem verberarent : loco sane , si confilium tenuisse , obsessis quam periculo. Magna hinc etiam missilium ignium vis injecta , non ex quo Urbis incommodo.

Intrauratum postmodum est Templum A. 1692. à Reverendissimo ac Illustrissimo D. D. Joanne Ord. S. Benedicti , Celeber. & Antiquiss. Monasterii ad Scotos Abbatे , & tunc Suffraganeo Viennensi. Nunc in sacris thesauris D. Joannis de Deo brachium ostentat , & JESU , MARIE , JOSEPH Iconem magna nunc civium pietate ac fiducia percultam ; A. verò 1713. adversùs luem pestiferam magnum præsidium.

Accensenda sunt majoribus hisce ædibus , minoris etiam molis , sed patentia publico accessui facella : D. Wenceslai in horto Comitum de Czernin. D. Antonii Paduani in domo Correctionis. D. Brigittæ in ejusdem nominis prato. Lazius Vienensis rerum locupletissimus scriptor , author est : in Pratensi Insula alias Parthenonem Sanctimonialium Virginum S. Augustini instituta proficentium extitisse ; easque deinceps ob familiaris rei

rei penuriam Cænobia Urbano ad D. Laurentij ejusdem instituti Virginibus aggregatas.

Hactenus ædes , in quibus Religio sedem figit ; nunc de profanis. Inter Leopoldinæ Palatia primas dignitate , sin minus magnificentia tenet , *Vetus Favoritta* (*Au-Garten.*) In longo , quo adi- tur , vico tiliarum quadringentarum area , quæ ma- gna cura & impendio educantur , grande quid spi- rat , & ambulacra præbet pulcherrima. Hæc alias Cæsarum vel æstivantium , vel autumnantium deli- cium. Evaftata verò à Barbaris diu in ruinis jacuit , dum triginta ferè abhinc annis Josephus Impera- tor de fuscitanda , atque Augustæ Matris usibus aptanda cogitationem suscepit , & salam , quam vocant (seu atrium dicere malis , aut triclinium majus) Celeberrimi Andreæ Pozzo , cuius eruditissimi de Architectonica pictura Commentarii ex- tant , operâ pingendam demandavit. Atque hæc pictura inter Pozziana opera non ultimum , unica nimirum è Palatio toto supereft. Abruptum enim haud diu post cœptum , seu quod infesta culicum examina , è circumfluis nempe aquis progenerata , malum nulla arte superabile , inhospitam redderent stationem : seu quod ejus loco *Fons Bellus* , (*Schöns- Brunn*) situ haud paulo amœniore regium in mo- dum constructus est. Cæterùm è ruderibus ipsis Principum nostrorum , uti cæteris in rebus , ita in habitationis modo prope privati hominis mo- destiam intelligas. Quamquam horto nec ampli- tudo abest nec amæna Majestas ; areolarum pul- villi , artificiosis buxi inserpentis mæandris incin- eti ; ambulacra topiario opere solem defendantia ; altissimarum arborum in quincuncem dispositarum series , umbriferæ ambulationes longissimè porre- stæ (adeò , ut licet magna sæpe sit multitudo ob- errantium , tamen sine teste obambules beatior) atque aliæ hujusmodi hortenses deliciæ , urbanam Nobilitatem numero huc maximo sub vesperum effusam , nec non Musas sub auroram invitant.

Cæsa-

Cæsarum namque indulgentiâ , quod Domitiano assentatus est Martialis , verè dicimus : *Jam sunt deliciæ populi , quæ fuerant Domini.*

Minorum gentium hortensia palatia , sunt visenda , Princip. Montecuculi , Comitum Czerniniorum , Oettingiorum , Coloredi , Com. Fünfkirchen / Com. Rosenberg , Com. Curland , Baronum Walhorn , Strobl : Collegiorum S. Barbaræ , Pazmanitarum , & Croatarum : Dominorum Gudeni , Wenighoffer , De Haklberg , Hahn , Gory , Schmuderer , Ginter de Sternegg , de Lewenthurn , de Schretensten , Deodat , Ritter , aliisque permulta . In Colorediano superstites annosissimæ , ac plusquam sæculares arbores argumento sunt , barbaros latè omnia evastantes hortos tamen quosdam , quibus impensè defensantur , sibi velut in certa victoria sepositos , integrōsque destinâsse .

Ad Occiduum Leopoldinæ latus ac Danubii canalem grande militum contubernium est , vulgo Casarme , longum orgias nostrates sex & nonaginta cum dimidia ; latum verò quadraginta & septem : in per amplas duas areas divisum . A Provinciæ statibus optimo consilio annis abhinc duodecim extructum , opus ingentium sumptuum , sed usûs longe maxi- mi , sexcentis equitibus , eorūque Præfectis mili- taribus habitationem præbet percommodam , nec non totidem equis opportuna stabula . Ad eundem typum in aliis Danubianis oppidis Stockerovii , Crembssi , & Ipsii contubernia extructa sunt , nempe pro legione equestri integra stativa perpetua , magno Provincialium agrestium ac Dynastarum commodo , quibus alioquin militaria ejusmodi hospitia , nunquam non militaris licentiæ injuriis exposita imperabantur . Viennense isthoc veluti Prætoriæ equestris Cohortis officia præstat , atque tum dignitati Principis præsertim extra urbem de- gentis , tum suburbiorum securitati , quin & viarum , latrociniis alias infamium præsidio deservit , vi- vitque disciplinâ quam severâ , nulla cujusquam molestiâ ,

molestiâ, ut adeò Bohemiæ, Ungariæque Ordines de imitando Austricæ exemplo apud se deliberare dicantur.

Publicas inter ædæs ad eundem Canalem est **Nauale**, quod vocant **Officium**, ejus Præfecti sedes, cui supremi Legati rei nauticæ nomine, summa navalis rei, ac pontium, seu bellicos, seu alios in usus procuranda incumbit: naves Danubio defluentes ad unam omnes certo pretiō redimit: quidquid denique ad flumentanas rationes pertinet, administrat.

Haud procul inde Correctionis Domus visitur: ità Ergastulum publicum appellatur, quò vaga potissimum & otiosa mendiculorum fæx, aut mendiculorum habitu grassatores, & prædones nocturni, tum quæ corporum quæstum faciunt, aut aliorum criminum rei contruduntur. Ampliata nuper est adjecto ædificio perquam spatiose, variarum nempe operarum officinâ: lanâ imprimis ducenda opus faciunt, ac præter cætera quot annis ultra duo centonum millia elaborantur: ut adeò sit miseris integris imprimis ac volentibus, quo diurnum sibi viatum conficiant. Quo instituto efficacius nihil est ad Rempublicam ab importunitissima illa vagorum errorum, vicos, domosque omnes obsidentium molestiâ eliberandum. Servit eadem domus parentibus ad edemandum degenerum filiorum proterviam. Præ foribus inscriptio legitur:

IMPERANTE LEOPOLDO
ET CONSULE DANIELE LAZARO
SPRINGER S. C. M. C.
DISCIPLINARIUM HOC
S. P. Q. V.
EREQUIT
A. M. DCLXXIII.

Alibi vero.

LABORE ET FAME.

Annis abhinc viginti quatuor extra Leopoldinæ vallum in parte Insulæ , quam ab Hospitali vocant, è materia Amphiteatrum ingens constiterat , ubi aliqua Veteris Romæ imitatione ursorum , tigridum , bubalorum , aliarumque ferarum spectacula edebantur ; verum brevis admodum ea voluptas fuit , seu quod ab Urbe erat remotius , seu pretium ab spectatoribus exigeretur immodicum. In ejus locum ad *Aquilam Nigram* hebdomadaria ejusmodi taurorum ferè ac ursorum certamina , magno vulgi affluxu celebrantur.

Sunt & aliæ officinæ , fabricas vocant , aliorum aurum in bracteolas tenuissimas extundentium , pannos ad splendorem extondentium , variorum item sericorum operum artifices. Nihil abest denique , quod seu ad opportunitatem , seu splendorem in magna quaque civitate desideres.

Ad Templum Paræciale.

CEde loco Isacidum tandem despecta propago !
Et procul à cultis hactenus esto focis !

Erubuit sparso sat culter & ara cruore ,

Tectaque sacrilegâ facta sonora prece.

Invisos superis tandem Leopoldus honores

Sustulit , & causam Numinis ulti agit.

Gens laribus depulsa fugit , summoque Tonanti

Stat Sacra , perfidiæ quæ fuit antè domus.

Hostia Divino melior sub pane litatur,


Sacrâque propitiis fumat acerra focis.

Quis Te jam Magnum posthac Leopolde negabit ,

Dum superis Pietas Te facit esse parem.



In ROSSANT 1. D. Bozz. 2. Com. Kauniz. 3. Locus Supplicij. 4. Templum B. V. Annunc. et Monast. PP. Servitarum. 5. D. Fodlbaur. 6. Com. Collalto.
7. Caesar. Conservatoriū lignor. 8. Sacellum S. Crucis. 9. Com. Scalvignioni. 10. D. Tepser. 11. D. Verdura. 12. Camet. hebraorum. 13. Com. Zmendorff.
14. Com. Sznendorff. 15. Com. de S. Julian. 16. Fabrica Porcelan. 17. Princeps de Liechtenstein. 18. Rivulus Ahsbach. In TURRI. 19. Sacellum S. Joan. Bap.
In LIECHENTHAL 20. Magistratus Civici. 21. Ciusdem. 22. Templum Paroch. 23. Domus bractatoria. 24. Cemeterium Parochiale.



ROSSAVIA.

ROSSAVII Suburbii nomen quidam à Rosis trahunt. Aliu enim nostrum Germanicum, quod veteres Augiam vertere, pratum, viretum, seu latum arvum indicat. Itaque à Rosis Sylvestribus, quibus hic fundus effluerit, dictum autumant. Melius *Equorum pratum* huc nempe ad pabulationem agi solitorum, appellari, arguento est suburbii insigne, viridans salicetum referens. Hoc enim arbusti genere Danubii litora fere inumbrantur. Hac verò integrum magni fluminis alveum decurrisse satis indicant tum solum fabulosum, tum Ædes Virginis propinqua ad *Ripam* hodieum dicta, eisque continententes gradus, quos vocant Piscatorum.

Hodie, Danubio in varia brachia, insulásque dissecto, ejusdem tamen Canali à Boreali latere alluitur. Hic, postquam A. 1701. magna, perpetuâque aquarum subsidia labore quadraginta annorum, ac Rhenensium 20000. publicis impendiis accepit, nunc tanto emulumento est; ut integræ navigia patiatur, quibus tum ab occidente tum ab oriente urbi optimè consulitur. Ab occiduō verò, minuto rivulo Alsherrano; ad Meridiem colliculo Schottenbergensi, & Plateâ Waringanâ terminatur. Areæ hujus longitudo est 400. latitudo maxima 370. orgiarum; totius verò capacitas pedum quadratorum 818500.

Olim ad ipsam urbis fossam procurrerat. dum A. 1683. occupato per Turcas Ujvarinô seu Neus Häusel / ac barbaro hoste jam ad Austriæ fines populationem inferre auso, cura injecta; ne tanta propinquitas munimentis noxæ esset, atque

aded , quidquid hic steterat domorum , hortorum , templorum , ac cætera inter grande Schwarzenbergiorum tunc Comitum , nunc Principum palatum uno incendio deletum , ac solo æquatum est . Duobus abhinc sæculis Sanctimonialium Cænobium cum D. Magdalena Templo hic constitisse præter idoneorum documentorum fidem , superstes columnna lapidea ejusdem Divæ simulacrum sustinens indicio est .

Etsi depresso paulum solo insidet , situs tamen opportunitas , Danubii propinquitas , lignorum mercatus effecere , ut è bustis informibus in hanc , quam cernimus , ædium centum quinquaginta , hortorum , palatiorum splendorem , ci viumque frequentiam excresceret . Plateis patentioribus sex distinguitur , atque incolarum capita censem ad decem millia , non accenso nautico populo , propè in horas & affluente , & diffluente . Cives in ditione Magistratus Urbani degunt : qui , quemadmodum de incolis suburbii Leopoldini meminimus , ad veteres dominos redire , postquam ab A. 1605. usque 1689. Xenodochio Civium paruissent : causæ minores à Judice ritè delecto , & Juratis , quos vocant , disceptantur . Parochiana verò sacrorum administratio vetustissimo jure penes Scotense RR. PP. Benedictinorum Cænobium residet ; aliqua tamen munia parochialis sibi ab eodem concredita RR. PP. Monasterii D. Annunciatæ diu , noctuque solerter administrant .

Templum hic visitur unicum , ac Asceterium Servorum B. Mariæ V. in cuius fundamenta lapidem primum sub Ferdinando III. jactum , ejusdemque fundatorem in lamina argentea inscriptio refert .

D. O. M.
IN HONOREM VIRGINIS
ANGELO ANNUNCIANTE

IN

IN
DEI MATREM ELECTÆ
 IN USUM
ORDINIS SERVORUM
 EJUSDEM
VIRGINIS MATRIS
TEMPLI, CÆNOBIIQUE
 EX VOTO
A FUNDAMENTIS EXCITATI
MEMORIÆ.

Ex parte altera.

FUNDATORE
 OCTAVIO
PICOLOMINI DE ARAGONIA
 S. R. I.
 PRINCIPE
 DUCE AMALPHI,
 PRIMUM LAPIDEM POSUIT
 PHILIPPUS FRIDERICUS
 S. R. I.
 PRINCEPS
EPISCOPUS VIENNENSIS
 III. IDUS NOVEMBRIS
 ANNO
A CHRISTO NATO
 M. D. CLI.

Idem Anno 1670. per Celfissimum Principem
 Wildericum Episcopum Viennensem salutatæ ab
 Angelo Virginis honoribus dedicatum est.

Equidem Anno 1683. uno cum reliquis suburbiis incendio hauustum, non item solo æquatum est, quod remotius videretur, ac ut hostibus ibi nidulantibus præsidio, vel pro aggere servire posset.

Nec indignum memoriâ est, quod idem Servitarum templum in communi strage barbarorum feritatem, nec tam pietate, quam errore stulto evaserit. Videre in summo tholo depictas veterum Prophetarum imagines promissis barbis, capita cydari testos, ac nescio quid sui cultûs habentes; quare suos rati, tactique religione manus inferendas non putavere. Inter alios Valachiæ Princeps tributarius, Ottomanica castra sequi coactus, hanc sibi nempe præ cæteris tutam stationem inter obsidionem delegit.

Discussa hac procellâ reduces Religiosi viri prodigiosam DEIparæ Iconem, alias ab Archiduce Leopoldo Guilielmo dono datam, summa voluptate salvam omnino, nullaque parte quidpiam oblæsam reperere, ut hodieum à devotis clientibus non sine multiplicium beneficiorum grata commemoratione celebratur; idque magis postquam A. 1728. Divo Peregrino tum inter Divos cælites recens relato venustissimi operis facellum, multisque jam votivis tabellis illustre adjunctum est.

Templum porrò ipsum propylæo è seculo lapide, ac variorum Cælitum statuis ornato, ad Architectonicæ leges eductum, etiamnum venustioribus Viennæ accenserî posset. Cænobium verò sexaginta incolarum capax pro religiosa commoditate post obsidionem ampliatum instauratumque est.

Inter prima Rossaviæ ornamenta venit Lichtensteinorum Principum Palatum id magnificentiae, ut dum è cespite asurberet, nihil simile haberet Vienna. Porticum, graduum, conclaveum ornatus regium quid spirat. Picturæ opus sunt cele-

celeberrimi Apellis Rothmeyeri , nuper admodum
 è vivis sublati ; aula verò , quam salam dici-
 mus , Andreæ Pozzo S. J. ingeniò , duodecim
 laboribus Herculis depicta , exteris visentibus , &
 artis peritis æstimatoribus admirationi est. Festi-
 vum est Adami Principis Conditoris dictum : se-
 quem tantis fortunis cumulârit Divina bonitas ,
 quotannis ad triginta florenorum millia eleemo-
 siæ nominæ dividere , sed in egentes laborio-
 sos , murarios scilicet ac operas , non item eos ,
 qui ultronea fere mendicitate sceleratum otium
 alant : hac se causa non ambitione ductum , cui
 satis alioquin ad habitandum palatiorum sit ,
 sumptuosas adeò ædificationes suscipere. In ad-
 juncto superbæ fabricæ horto nihil ferè horten-
 sium deliciarum , quidqnid uspiam videris , aut
 animo concipere possis , desideraveris.

Inter alia magno numero hortensia palatia
 eminent , splendorémque hujus urbis axacuunt
 Comitum Zinzendorfforum , Collaltiorum ,
 Kauniziorum , Scalvignioni , Cem. Sancti - Juliani , Sinzendorfforum , Dominorum item de Poz-
 zo , ac Verdura &c. præter minorum geutium
 ad septuaginta spectata. Item digna est vasorum ,
 quæ Porcellana apellamus , nobilis officina. Ejus
 initium factum est Anno 1722. à D. Claudio Du
 Paqueur ejus artis longè scientissimo. Etsi dein-
 ceps ab invidis variè exagitata , brevi tamen
 magnem celebritatem adepta est , mirantibus ,
 ac gaudentibus Viennensibus , merces olim trans
 vasta æquora , ab extremo oriente . Japone scili-
 cet , ac Seribus impensis immanibus accersitas ,
 nunc sibi , ac tolerabili pretio domi enasci.
 Evidem cùm alibi , tum in vicina nobis Saxo-
 nia ejusdem instituti officinæ (quæ est nostri sæ-
 culi solertia) adornatæ sunt : ajunt tamen .
 Viennensia nostra vase , cùm materiæ purissimæ ,
 candidissimæque bonitate , tum figlino artificio

nihil exteris concedere , picturæ verò encausticæ præstantiâ longè antecellere.

Suburbium hoc merito lignarium Viennæ forum dixeris : tanta materiæ copia seu in focorum , ac caminorum alimentum , seu ædificiorum fuggrundia è Bavaria , Sueviâque huc convecta vænum prostat , partim etiam illo , quod urbem inter ac suburbium interest , intervallo æstate juxta ac hyeme elaboratur. Visitur & conditorum ingens , aulæ Cæsareæ usibus materiali ejusmodi apparatu confertum.

LICHTENTHALLENSE.

Trans Alsherranum rivulum ad occidentem , turbitorum recentissimum Lichtenthallense , seu clara vallis , ut in insigni suo refert , ad Nusdorffensem usque aggerem procurrit. Alias Prati Wiesen / nomine appellabatur , nostrâ dum memoriâ , scholarium præsertim , cùm vacaretur , seu pila , seu alios ludos ludentium Palæstra celeberrima. Nunc (versiculo illo , sed commutato ubi liceat) Nunc magna Urbs est ubi cespes erat : idque paucorum sanè annorum intervallo. Tantæ molitionis auspicia eidem , quem diximus Adamo Lichtensteinio Principi debentur , qui postquam fundum horto suo conterminum à Minando Auspergio Comite emptione comparavit , primùm A. 1694. Zythopæum prægrande , seu cerevisiarium coquinam (nobis braxatoriæ) à fundamentis eduxit , magnæ substructionis opus , nec minoris emolumenti , quando quot hebdomadis ad quingentas Zythi urnas excoqui ajunt. Postmodùm cum A. 1701. agger perpetuus vulgò Linea circumduceretur , ac multitudine redundaret Vienna , agrum quantus est , in areas divisum potentibus assignavit , spatiâque , quibus struerent ædes , perlevi pretio , ac decen-

nii immunitate promissa divisit ; ut adeò paucos intra annos pulcherrima Colonia staret , noménque ab Authore Principe , ac sitūs humilitate capefferet , Lichtensteiniae Gentis inter Austriacas Principis monumentum omni ære perennius.

Jam nūnc , et si nullus est ædificandi finis , duætis curatè rationibus recensita sunt capitum octo millia , octingenti , duo de viginti , si Turriæ partis & Spärkensis imminentis collis incolas item adnumeres. In plateas principes examissim directas dissecatur sex , quarum altera superæ , altera inferæ Viennensis , à sale , fabris , leone , & aulâ nomen tulere cæteræ , si tanti est hæc adnotasse. Latitudo ejus est 370. orgiarum , longitudo totidem ; planum verò 670200. quadratorum pedum.

Principis nomine Prætor jus dicit ; minutiores civium controversias status Judex ac Seniores dirimunt , cui cætera inter incumbit , per quatuor excubidores adversùs grassatores nocturnos , & ignium pericula evigilare ; feriatis verò diebus cum apparitorum manu cavere , ne quid in cauponis licentiae ac turbarum existat.

Sacra quod attinet , suburbium hoc ab ipsis suis incunabulis ad annum labentis sæculi 23. in Waringensis Curionis ditione fuerat. Tum verò auctoritate Emin. Cardinalis Archi - Episcopi gregi tam numero Pastor Lichtenthallensi , tum etiam Turriano , & Spärkensi colli proprius , & ab Waringensis jurisdictione omnino divisus , attributus est is . quem honoris causâ nominare liceat , Clarissimus Dominus Josephus de Georgio , vir exempli optimi , qui que sapienter estimat , suæ se Ecclesiæ in re nulla operam utiliorem ponere posse , atque si in imbuenda primis Christianæ doctrinæ principiis , tenera juventute , nulli labori parceret,

Ejus item felici solertiâ effectum , ut angustæ formæ facellum, alias Divæ Annæ sacrum. in magnificum , quale hodie spectatur , templum as surgeret. Ejus fundamenta jecit Lichtensteinii Principis pia liberalitas , depensis quatuor Rhenensium millibus , quibus deinde ex opulentiorum civium , ac Patronorum operose corrogata stipe , auctarium tantum accessit , ut è minimis initiis ædes exiret illustris sanè ac visenda.

Primum in fundamenta lapidem jecit hodie feliciter imperans , Augustissimus noster Carolus VI. in celeberrimo aulæ totius , ac externorum Oratorum Comitatu : ubi numus additus est aureus alter , alter argenteus hunc in modum inscriptus :

DEO M. O.

IMP. CÆS. CAROL. VI.

AUG. PIUS P. P.

HUJUS INTRA POMERIUM VINDOB.

IN FUNDO PRIN. à LICHT.

SS. XIV. AUXILIATOR.

DICATI TEMPLI
PRIMUM LAPIDEM ,

ET

PIETATIS AUGUSTÆ MON.

POSUIT,

ANNO M. DCC. XII. DIE XX. NOVEMBRIS.

Affuisse cæptis Divinum Numen inde conjectum est , quòd A. 1713. cùm maximè ferveret opus , pestifera iues , latè Viennam omnem ac suburbana depascens , neminem unum architectorum , fabrorum , operarum contagio afflavit. Splendide deinceps aris , aliisque sacra penu ad orna-

ornatum. A. demum 1730. 21. Septemb. Divor-
rum quatuordecim Auxiliatorum memoriae, so-
lennibus Ecclesiæ ritibus per Illustriſſ. ac Reve-
rendiſſ. Antigonienſem Episcopum, Officialem
Generalem Vicarium, atque Suffraganeum Vien-
nensis Metropolitanæ Josephum de Braitenbūcher
inauguratum eſt.

Cæterūm ut Novitium hoc suburbium, com-
modis potius ac cultis domibus, quām superbis
palatiis ſe efferat; ſuo tamen ambitu Althan-
ianum cum horto palatium magnificum comple-
titur, etſi paulo à cæteris ædibus ad Danubii
ripam ſejunctum, A. verò 1713. Urbi Viennensi
divenditum eſt: hodie ab ædibus de novo adſi-
tis, familiisque ſexaginta incoletibus partem
suburbii induit: nec nihil celebritatis ab Danu-
bianis balneis commode adnornatis nanciſcitur.
Hortos alios minores numerat hoc suburbium
quinquaginta.


Nostri hujus suburbii vel partes, vel appendi-
ces non ignobiles ſunt, Turrium, & Spärcken-
fis Collis, etſi & alteri Domino parentes, &
ſuis ipſa nominibus diſtincta. Ante Obsidionem
Viennensem pagus hic conſtituit per plateam
etiam Waringanam amplis finibus latèque porre-
to agro: Siechenthal incurabiliuſ ſeu leprofo-
rum vallis, dictus. Secutis temporibus pars
eiusdem Turrium quemdam Dominum, nomén-
que à Domino načta eſt, hodie Collegio R. D.
Canonicorum Regularium ad D. Dorotheæ ſub-
jecta. Ædes numerat ſeptuaginta octo, incola-
rum verò tria millia & nonaginta duos, qui
collatio ære ſibi Sacellum D. Joannis Baptiſtæ
condidere, cujus etiam Divi Iconem pro insigni
ſumpsere; uti eiusdem Divi Ecclesiæ, quæ in
peſtiferorū Nosocomio eſt, olim paruerant. In-
ter delicias domesticas etiam recenſent hortos
undecim.

In Spärckensi colle cuius dominium est penes Asceterium Sanctimonialium ad Cœli Portam , paucis abhinc annis ædes surrexere triginta quatuor , & incolas hodie numerant facile sexcentos. Communitatis hujus insigne refert agnello vexillô crucis armatum.

De Canali Danubiano.

Qui priùs adjectos latè exspatiatus in hortos
Sæviit, & domino Gurgite mersit agros.
Danubius sub lege fluit , nunc clauditur oris,
Et didicit famulo subdere colla jugo.
Nec toto jam fonte patet , sed parte revulsa
Hic minor, utilior nunc tamen ille fluit.
Devehit impositas tergo famulante carinas ,
Quásque Mosa , & Rhenus mittit , & Oenus opes.
Exterus Austriaco spumat jam Bachus in auro,
Nostra & Bojaricis messibus albet humus.
Quidquid in humanos converti cernimus usus,
Obvenit hinc populis ampla Vienna tuis.
Sic nocuisse juvat , juvat & tot damna tulisse,
Quando Multiplici fænore damna levat.





In WARINGANA i. D. Schirk. 2. D. Brenner. 3. Prince. Dietrichstein. 4. Com. Kupfstein. 5. P.P. Society IESU. 6. Bar. Strudl. 7. Hospital Hispan.
8. Beckenhäusl. 9. Lazaretum. In ALSHERRANA 10. Contumaz. 11. Temp. et Monast. P.P. Benedict. 12. Sacellum B. Mariae Zell. 13. Cæmeterium
heterodoxorum. 14. Academia Provinc. 15. Cæmeterium Urbis. 16. Camp. Facultarius. 17. Temp. et Monast. P.P. Trinitariorū. 18. Dom. Pauperū. 19. Bar.
Seybl. 20. Prince. de Schönborn. 21. Prælat. Mellicens. 22. Bar. de Kirchenstem. 23. D. Merxhl. 24. D. Löwenau. 25. D. Leeb.